

桂

洲

詩

集

桂洲詩集卷之第十九

特進光祿大夫權師兼李太僕郎書畫殿學士夏官諱

詩 七言律詩九首

慶賀八首

壬辰初度日示以容壻

慶三妹徐宜人五十初度

壽少師羅翁六十次少保李序菴韻

次韻壽汪石潭二首

慶鄜太孺人初度兼壽北塘先生

壽同年孫取漁及尊西川翁

壽碧山彭勉學

悲悼一首

寄輓黔國公

詩 七言排律一首

九日天壇小集用聯句韻

詩 五言絕句五十一首

應制三十二首

恭和 御製王政詩三首

恭和 御製元夕宮中閣子懸之彩

燈詩一十二首

恭和 御製議事偶成二首

恭和 御製念農苦力詩四首

恭和 御製 禘畢吟

恭和 御製佳遇吟二首

恭和 御製分給大臣三以 毋所

賜之食二首

恭和 御製詩六首

扈從一十九首

侍 上奉 聖母舟行西遊恭述一

十八首

奉 皇太后出京

七言律詩九首

慶賀八首

壬辰初度日示以容壻

五十一歲初度辰清朝八座第三人遭時千  
載有今日報 主百年惟此身白日中原思  
攬轡青山荒壟欲沾巾平生忠孝肝腸在不  
媿 皇天共鬼神

慶三妹徐宜人五十初度

太夫人生四子女天邊吾與汝同時絲綸實

訝台階忝珠翟欣看象服宜五月榴花迎王  
竿千年桃實薦瑤池朝回燕坐薰風館彩筆  
新題獻壽詩

壽少師羅翁六十次少保李序菴韻  
明良嘉遇古稱難獨立公當霄漢端一代勲  
名真赫奕萬年宗社自尊安鳳池霖雨增  
堯莢槐院春風長謝蘭莫謂年高想林壑白  
頭赤烏領千官

次韻壽汪石潭二首

白頭一卷太玄經遺善堂成擁百靈地與幽  
栖開壯觀天於暮景錫康寧推牕曉日臨書  
幌倚杖青山入畫屏南極省星光午夜直拈  
彩筆祝遐齡

大事當年動引經老臣端慰在天靈秋風拂  
袖雙頤解春日看山百體寧客到兩溪移畫  
舸樓高層壁敞雲屏題詩酌酒消長日黃菊



蒼松照暮齡

慶廓太孺人初度兼壽北塘先生

堂上老親雙白頭  
白日神僊憐並遊  
曾見飛鳧朝帝闕  
忽看青鳥下瀛洲  
嘉辰近接星河夕  
華宴高張玉露秋  
霄漢綵衣遙拜舞  
紫薇花下暫淹留

壽同年孫取漁乃尊西川翁

五月五日生豪傑  
古來不獨孟嘗君  
星瞻南

極千年象龍卧西川萬里雲漢殿衣冠新鳳  
詔吳門烟水舊鷗羣匡時功業兒曹在耆俊  
高年海內聞

壽碧山彭勉學

文思公後見多賢冢嗣如公更卓然中歲遠  
移忠孝里高秋大啓碧山造絲綸館閣趨庭  
日燈火長安問業年三世交承頭又白一盃  
春酒隔風烟

悲悼一首

寄輓黔國公

十六年前萬里行，遐方深荷主人情。酒盃謾憶園中醉，詩句空餘卷裏名。勲業茅分銅柱嶺，精英星隕劍江營。平生忠孝兼文武，誰爲將軍細勒銘。

詩 七言排律一首

九日天壇小集用聯句韻

人生幾見登高節况接諸公竟日歡發興共  
占詩句捷放懷那厭酒盃寬天邊白鴈橫雲

影堦下黃花裛露團上相暫移宗伯履

序菴李公

老臣猶著惠文冠

期公將服大拜

司空操節今能幾

石菴蔣公

二翰文章古所難

介溪嚴公其泉湛公

獨有主人

真忝竊五雲披腹媿琅玕

詩 五言絕句五十一首

應制三十二首

恭和 御製王政詩三首

大哉皇建極神化自無方  
熙皞同堯舜規模  
狹漢唐

心學傳千載人文化萬方  
遭逢真 聖主稽  
首拜虞唐

王道無偏黨民心有向方  
坐令三代下風俗  
見陶唐

恭和 御製元夕宮中閣子懸之彩

燈詩一十二首

瑤編服

祖訓墨華瞻

考澤維

聖子神

孫孜孜崇德業

不愆遵

聖謨如新睠手澤願恢

祖

考

心弘此

帝王業

以上和  
御製韻

寶閣春燈燦

宸章珠斗懸光昭

祖

考

德中夜對皇天

皇式稱

高節神文說

欽皇思康育

系

子大業見重光

念祖瞻依切思 親敬仰勤年年放燈夕星

斗煥堯文

兢兢法唐堯業業師虞舜夙夜念在茲聿追  
祖考訓

帝王重家法子孫宜世寶泮泮 聖謨訓當  
年七膳稿

慎思與好問允惟作 聖功寶我 嚴考臆

長目在淵衷

深宮處淵默雷聲發幽獨 聖敬與日躋

皇天降遐福

昭茲繩 祖武孝思永維則念念在蒼生薄

海歌帝力

元夕華燈豔高懸 聖藻雄願言調玉燭委

照及疲瘠

聖心已翼翼端居不敢康愧無匡弼功敬獻



賡歌章

恭和 御製議事偶成二首

講武復論文羣材集五雲  
媿無經濟術報答 聖明君

春鶯歌已闋梅荳青初結  
南苑侍 宸遊四月猶未熱

恭和 御製念農苦力詩四首

鋤禾日當午 聖主民父母  
歲歲慶秋成烹

牟祭田祖

汗滴禾下土禾盛日欣覩去歲欠私租今年  
當輸補

誰知盤中食開口鼻先酸憶昨荒歉時枵腹  
向人看

粒粒皆辛苦生兒願愚魯愚兒得力田慧兒  
走齊楚

恭和 聖製 禘畢吟

一新清廟日再舉 大禘年於赫在 天神

眷佑當拳拳

恭和 御製佳遇吟二首

天作此高山神考如運斤 聖人合元化遇  
之豈偶云

睿藻光堯思陽春陋郢斤黃鍾調太和瓦缶  
寧足云

恭和 御製分給大臣三以 毋所

賜之食二首

朝夕叨 殊賜忠貞誓此身千秋奉 明主

萬壽祝 慈親

餽出 慈宮賜 君恩當一人不能如陸績

懷以奉其親

恭和 御製詩六首

神功欽 六祖 聖德尊 七宗祈 天崇

報祀萬國仰 皇風

至仁合 天地 大孝光 祖宗萬邦歌

帝德四海同仁風

禮崇祈報典 道闡玄元宗 庇民還福國 寰

寓暢真風

玄關啓靈秘 大道有真宗 一炁驅雷令 胡

塵靖北風

報歲賽方社 祈年享 天宗 聖主所無逸

小臣獻幽風

捷武邁商帝除兇越唐宗  
天聲震北漠永  
絕腥羶風

扈從一十九首

侍上奉聖母舟行西遊恭述一

十八首

碧草長薦綿綴柳蔭婀娜春湖浮紫烟天風  
送龍舸

青山半夜雨碧湖流水新平沙列萬騎京飈

清路塵

曉日明

柘袍鮮雲護

華盒舟轉碧楊灣

騎繞青林外

高梁橋畔柳何牽纜

龍舟搖蕩東風裏千

年御氣浮

蘭棹漾中流平湖靜如鏡簫鼓奏鈞天魚龍

盡出聽

新蒲碧玉劍弱柳黃金絲牙檣風細細錦纜

日遲遲

黃旗楊柳中  
畫槳菰蒲裏  
鴛鴦拂岸飛  
鷓鴣  
衝波起

湖外沙逾白  
湖邊草更清  
金山起煙霧  
隱映  
玉泉亭

榆莢墮青錢  
楊花飛白綿  
風光湖上好  
絕勝  
早春前

柳映青龍橋  
雲隱香山寺  
煙景自天開  
畫圖



那得似

甲光晴耀日旗影晝翻雲夾岸朱衣隊連管  
龍虎軍

千峯送青來一槩凌波去指點麥莊橋靈魚  
躍舟處

夾岸風雲擁重湖烟水連汀沙千白鳥飛起  
入青天

御幄開臨水僊韶響遏雲  
龍檣初抵岸驚

起鷺鷥羣

日映金波細烟含翠嶂深湖光與山色清賞

悅 皇心

湖山有天地 君臣幾共遊  
遭逢今日盛魚水未堪儔

船舷戛岸急蘭橈激水飛  
忽聞 天語近莫

濕侍臣衣

朱舫開華席行厨出大官  
聖恩寬似海醉

飽得遊觀

奉 皇太后出京

鳳輦發神京湖山汎舸行 慈歡同處處愛

日聖人情

鸞輿下玉京扈 蹕得舟行始信真魚水同

遊荷聖情

桂洲詩集卷之第十九終

桂洲詩集卷之第二十

特進光祿大夫程國師兼李太師鄱陽書畫蓋殿學士直學又言誤

詩 五言絕句七十四首

旅况一十二首

晚泊

題茗溪驛

鄱湖道中次韻一十首

遊覽二首

午飯野寺

登樓曲

柬贈三首

過吳興呈垣翁

送別五首

送巾石呂子得告南還

閒適九首

野舫

物色六首

詠梅次張水南

次穆玄菴

次謝汝湖

次林方齋

次王三渠

玉兔

題詠三十一首

次韻題桂元禮愛梧亭

梧爲乃翁所植故云

書奇梅山房贈百鍊上人

有梅一株生石上甚

奇上人遂以爲號

一粟禪窩

白雲窩

次徐伯瞻清風高韻一十首

書珠巖石壁

揚邃庵園居雜詠次韻八首

丁卯橋莊次韻四首

南莊次韻三首

題沈石田畫次韻壽東峯

樂府六首

春江行

江南曲二首

單飛鶴

江臯曲



映水曲

詩

六言詩九首

扈從一首

禁遊

館閣二首

春日閣中述事次王浚川韻

旅况三首

曲江舟行

羅溪驛次壁間韻二首

閒適三首

野望

五言絕句七十四首

旅況一十二首

晚泊

晚泊依廻渚蒼烟幕遠汀隔江漁火動近岸

草蟲鳴

題茗溪驛

野客倦長路春波生暮愁相尋北澗子三月

過湖州

翻湖道中次韻一十首

江上野人家茅堂翳修竹隔浦遙相望移舟

傍渠宿

蓬牕耿不寐攬衣復推枕林響何崩奔坐來

風雨甚

客子幽念攢展轉不能卧江村看獨夜含情  
對漁火

落葉走迴風幽花媚竒石白雲無定踪時看  
度青壁

船牕把書勸題詩日盈紙湖上風雨來恐有  
蛟龍起

志士惜芳辰忽復過重九欲采黃金花疑霜  
已沾手

寒聲何處來夜半孤舟得曉起迷江臯失却  
楓林色

翳翳月沉洲槭槭風落木起視夜何其曙猿  
響南谷

男兒重功名坐惜年光老那知松栢心不共  
春花好

歲晚楚江空蒲帆風力健却憶山中人茅堂  
畏風卷

遊覽二首

午飯野寺

寺午不聞鍾  
山含雪後風  
偶來雙樹下  
小坐萬緣空

登樓曲

憑高送雙目  
風烟隘九州  
丈夫有遠志  
胡爲懷故丘

東贈三首

過吳興呈垣翁

峴山螺髻青若水鴨頭綠細雨濕春舟固菰  
城下宿

卜山山何高盤空六千丈下有垣翁廬條然  
神獨往

顧况詩偏好元來住箬溪相思不相見春日  
王湖西

送別五首

送巾石呂子得告南還

汝病還山去，余愁柰別何。  
春心亂碧草，杳杳逐滄波。  
滄波渺予望，送子意何極。  
便欲製山中，還山煮白石。  
白石映清溪，瀟灑靈峯麓。  
爲爾歌倚蘭，遺音振空谷。  
空谷有佳人，乃是巾石子。  
何時綠野堂，相期話青史。  
青史檢芳名，千年如一日。  
長憶歐陽公，相知有蘇軾。

閒適九首



野舫

野人弄烟水一舸輕於葉乘風復繫帆順流  
那用楫

孤蓬泊夜渚江月向人靜還尋源裏桃不種  
山頭杏

春過楊柳渚仰面驚落絮側岸怕逢人棹向  
烟波去

吾生擬虛舟矣忘得失蓬牕白日閒時復

看書帙

乾坤空橐籥造化開樞紐終憐采藥人不是  
燒丹手

日日江上來山色青如故相依到白頭莫笑  
株邊兔

片櫓下烟流款乃歌聲杳風來水面長月出  
山頭小

船頭坐清曉仰見明星爛天遠鳳凰臺雲深

鷓鴣觀

黃鳥鳴青林  
白魚躍碧藻  
幽人時獨來  
舟閒澗邊草

物色六首

詠梅次張水南

江城寒去遲  
梅花開五月  
何人弄玉簫  
吹落樓頭雪

次穆玄菴

江上梅花發，憑軒有所思。  
山家春意早，未許上林知。

次謝汝湖

欲結青青子，花須片片辭。  
王羹原有待，羌笛未須吹。

次林方齋

地僻春能早，天寒花不遲。  
聞軒何所有，臨水一枝枝。

次王三渠

江國多梅花亭亭萬玉樹月明清影橫風細  
暗香度

玉兔

白兔人間少疑從月窟來臨風玉烟烟去野  
雪皚皚

題詠三十一首

次韻題桂元禮愛梧亭

梧爲乃翁所植故云

鷹潭有嘉樹鬱鬱雙梧桐  
桂翁手封植種德  
百年中

書竒梅山房贈百鍊上人

有梅一株  
生石上甚

竒上人遂  
以爲號

石罅靈根古風前  
色相竒客來剛着  
眼先被  
老僧知

一粟禪窩

一粟本來小安禪  
向此中直湏搥打  
破方可

道真空

白雲窩

禪榻西巖下白雲常在山等閒難出岫欲學  
老僧閒

次徐伯瞻清風高韻一十首

高臺一佇立清風洒然新歲晚塔前竹青青  
識主人

美人葺荷屋未日澹忘歸采藥山中人臨風

思欲飛

百年文獻地今日豫章城  
亭館青春靜絃歌  
白書清

遶欄叢舊竹習習清風多  
雨洗琅玕出炎氣  
柰爾何

吾亭開江麓高址三峯陰  
翹首栢臺人相將  
共此心

白日乘騶出周道無纖埃  
清風天上落知向



此中培

修竹竿竿直虛亭面面方  
客來無雜語端坐  
講虞唐

山光浮積翠簷影散扶踈  
興發尋詩句憂來  
草諫書

西山青不盡南浦浩無窮  
萬古新亭竹長來  
君子風

魯連天下士風節更誰先  
我欲尋巖石劖君

亭上篇

書珠巖石壁

潭石抱珠光  
丹霞蕩石壁  
中有雙驪龍  
春濤起霹靂

楊遂庵園居雜詠次韻八首

坐月亭

夜深孤月白  
雲淨遙天青  
虛亭敞獨坐  
風露自泠泠

悠然堂

南山有佳色登堂即見之未須躡雲嶠自與悠然期

利涉橋

橋邊芳草暗橋下綠波明落日扶藜杖青龍背上行

活水池

方池含止水活潑此腔春流止元無定源頭

識頗真

蓮塘

彩舟浮蕩漾蓮葉散差池  
休歌塘上曲且聽花間辭

菜畦

治畦行中園晨食對盃菜  
勞逸自忘言何心事機械

水竹居

臨水時自閒看竹日不足水以清吾心竹以  
醫世俗

竹深處

竹密迷行徑窅然雲谷深此中有佳趣應慙  
主翁心

丁卯橋莊次韻四首

修篁團舍密曲水遶畦渾開逕綠賓客爲園  
待子孫

莊橋仍故地歲卯復同辰  
刺史千秋迹尚書  
百代人

碧山元倚郭流水舊通渠  
未借僊人鶴先焚  
學士魚

丁卯橋西水何人唱竹枝  
獨憐康濟手閒却  
太平時

南莊次韻三首

欹枕江聲遠鈎簾山色重  
柴門綠樹擁竹屋

白雲封

浮雲黯未收  
頽波逝不竭  
寄言南莊翁  
莫倚頭顱白

滄江卧已穩  
黃屋眷方注  
歲晚鶴頭書  
應識垂綸處

題沈石田畫次韻壽東峯

遙開丹桂堂  
爵汎黃花酒  
我願東峯翁  
老在南山後

樂府六首

春江行

綠衣淨如練東風吹棹歌  
郎舟不肯住柰此春江何

江南曲二首

妾住橫塘曲郎住橫江頭  
塘水清見底江水  
日夕流

江頭楊柳花風吹渡江水  
愛殺雙鴛鴦只在



池塘裏

單飛鶴

冲天還度海，健翮迅孤征。  
不見同心侶，雲霄空復情。

江臯曲

江上蘼蕪草，東風吹又生。  
聞郎早晚回，日日堤上迎。

映水曲

新月學修眉  
蟬翼羞輕鬢  
顧影臨清流  
遊魚不敢近

詩 六言詩九首

扈從一首

禁遊

太液廣寒遊看  
御藻宸章  
璀璨墨花飛  
雨龍池玉勒  
嘶風柳岸

館閣二首

春日閣中述事次王浚川韻

閣靜遙聞宮漏城高近接朱簷日煖鳥鳴當  
院風細爐香透簾

黃薇拂砌半吐紅藥薰堦欲酣案上絲綸罷  
草御前封事畱參

旅况三首

曲江舟行

長嶺天清木露曲江潦盡潭清白日映書帷

靜涼風吹葛衣輕

羅溪驛次壁間韻二首

風急遠林墮葉水落高沙出溪翠竹稍煙節  
勁黃花裛露枝底物色清秋可愛御亭素壁  
堪題

萬里飄飄使節西南瘴嶺蠻溪鳥道入雲陟  
峻蛟潭浴日臨低炎月強驅病體驚心詎忍  
重題

閒適三首

野望

白雲長松斷岸青  
沙翠竹孤村野渡舟虛橫  
水茅屋人閒閉門

松隱鳴泉漱玉山  
圓流水拖藍盞日彈琴石  
上有時柱杖橋南

黃葉村中野屋白  
蘋江上扁舟獨立柴門薄  
暮數聲漁唱清秋

桂洲詩集卷之第二十終